



სამტრედიის
მუნიციპალიტეტი

სამტრედიის მუნიციპალიტეტში ასფალტო- ბეტონის
მოპირკეთების სამუშაოების შესყიდვა ელექტრონული ტენდერის
მეშვეობით

შესასრულებელი სამუშაოების
დასახელება:

საქართველოს მთავრობის 2016 წლის 1 ივლისის # 1247 განკარგულების
საფუძველზე გამოყოფილი თანხის ფარგლებში

სამტრედიის მუნიციპალიტეტის ტერიტორიაზე -მელაურის თემში "ყოფილი
მოსკვიჩების მაღაზიამდე" (1,55კმ.-ზე) - საავტომობილო გზის სავალ ნაწილზე
ასფალტობეტონის საფარის დაგება

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდეგში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარტ გაეცნოს აფიდავიტს და დაეთანხმოს მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი #1.

1.3. ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით გათვალისწინებული პროცედურების გამოყენებით.. აღნიშნული ქმედებების განხორციელების გარეშე თქვენ არ გეკნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.6. მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7. სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისაგან.

1.8. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრედენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.9. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.10. სატენდერო წინადადების ფასი მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13. დამატებითი რაუნდების თითოეულ რაუნდში პრედენდენტებს უფლება აქვს მხოლოდ ერთხელ შემაცუროს წინადადების ფასი, რისთვისაც განესაზღვრება ორი წუთი.

დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველს რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. **პრეტენდენტის დისკვალიფიკაცია ხდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-13 მუხლის შესაბამისად;**

1.21. ამ პუნქტის 1.20 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად,

მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებული ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები..

1.23. გამარტივებული ელექტრონულ ტენდერთან დაკავშირებული ყველა დოკუმენტი ან/და

ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.25. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი და ინფორმაცია (გარდა საკვალიფიკაციო მონაცემებისა) ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.26. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.27. პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირებისათვის:

ა) ინფორმაცია მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

გ) ცნობა ფინანსთა სამინისტროს შემოსავლების სამსახურიდან ბიუჯეტის წინაშე დავალიანების არ არსებობის შესახებ

დ) ამონაწერი არასამეწარმეო (არაკომერციული) იურიდიულ პირთა რეესტრიდან

ე) ცნობა შემოსავლების სამსახურიდან დღგ-ს გადამხდელად რეგისტრაციის შესახებ

2.1.2. ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

ბ) ცნობა ფინანსთა სამინისტროს შემოსავლების სამსახურიდან ბიუჯეტის წინაშე დავალიანების არ არსებობის შესახებ

გ) ცნობა შ.ს.ს ორგანოებიდან ფიზიკური პირის ნასამართლეობის არ არსებობისა და ძებნაში არ ყოფნის შესახებ

დ) ცნობა შემოსავლების სამსახურიდან დღგ-ს გადამხდელად რეგისტრაციის შესახებ

ე) ამონაწერი არასამეწარმეო (არაკომერციული) იურიდიულ პირთა რეესტრიდან

2.1.3. როგორც იურიდიული ასევე ფიზიკური პირებისათვის სისტემაში:

ა) პრეტენდენტმა უნდა წარმოადგინოს რეკვიზიტები, და სატენდერო წინადადების ღირებულება **დანართი #2-ის** მიხედვით.

ბ) იურიდიული პირის შემთხვევაში ხელმძღვანელის **პირადობის მოწმობის ასლი**, ხოლო ფიზიკური პირის შემთხვევაში ფიზიკური პირის **პირადობის მოწმობის ასლი**

გ) ფასების ცხრილი, **დანართი #3-ის** მიხედვით, აღნიშნული დოკუმენტის პირველივე ჯერზე წარმოდგენილობა გამოიწვევს პრეტენდენტის დისკვალიფიკაციას.

დ) ინფორმაცია სამუშაოთა დასრულების ვადის შესახებ, **დანართი #4-ის** მიხედვით

ე) ინფორმაცია შესრულებულ სამუშაოთა საგარანტიო ვადების შესახებ, **დანართი #5-ის** მიხედვით

ვ) ანალოგიური სამუშაოების ჩარატების გამოცდილების შესახებ ინფორმაცია **დანართი #6-ის** მიხედვით,

ტენდერში მონაწილე პრეტენდენტს უკანასკნელი სამი წლის განმავლობაში (2013, 2014, 2015 წლებში) შესრულებული უნდა ჰქონდეს ტენდერით გათვალისწინებული ანალოგიური ხასიათისა და შინაარსის სამუშაოები (ქუჩებისა და გზების რეკონსტრუქცია ან რემონტი), რომლის ჯამური ღირებულება სამივე წლის განმავლობაში არ უნდა იყოს 3 000 000 (სამი მილიონი) ლარზე ნაკლები.

დანართი #6-ში ასახული ინფორმაციას უნდა დასტურდებიდეს შესაბამისი ხელშეკრულებ(ებ)ისა და მიღება-ჩაბარების აქტების ასლებით, ასევე ცნობით შემსყიდველი ორგანიზაციისაგან, რომელშიც უნდა დასტურდებოდეს, რომ „ტენდერში გამარჯვებულმა პრეტენდენტმა, კონკრეტული ხელშეკრულებით გათვალისწინებული სამუშაოები შეასრულა სრულფასოვნად და სამუშაოთა დასრულების შემდეგ მათთან რაიმე სახის პრეტენზია არ გააჩნიათ“.

ხელშეკრულებ(ებ)ისა და მიღება-ჩაბარების აქტების წარმოდგენის მოთხოვნა არ ვრცელდება თვითმართველი ერთეული სამტრედიის მუნიციპალიტეტის დაკვეთით

შესრულებულ სამუშაოებზე, წარმოადგინოს წერილობითი ინფორმაცია სამტრედიის მუნიციპალიტეტთან გაფორმებული ხელშეკრულებების ჯამურ ღირებულებაზე. რაც შეეხება ცნობას იმის შესახებ, რომ „ტენდერში გამარჯვებულმა პრეტენდენტმა, კონკრეტული ხელშეკრულებით გათვალისწინებული სამუშაოები შეასრულა სრულფასოვნად და სამუშაოთა დასრულების შემდეგ მათთან რაიმე სახის პრეტენზია არ გააჩნიათ“, აღნიშნული ინფორმაცია ასახული იქნება სატენდერო კომისიის შესაბამის ოქმში.

ზ) იმ ტექნიკის შესახებ ინფორმაცია, რომლის გამოყენებასაც აპირებს პრეტენდენტი აღნიშნული დოკუმენტაციით გათვალისწინებული სამუშაოების შესასრულებლად (რომელსაც საკუთრებაში ფლობს ან განკარგავს სამოქალაქო კოდექსით ნებადართული ფორმით - იჯარა, თხოვება და ა.შ) **დანართი#7-ისმიხედვით.**

შენიშვნა: თუ კი „შემსყიდველი“ დასაბუთებულად საჭიროდ ჩათვლის, რომ წარმოდგენილი ტექნიკა ვერ აკმაყოფილებს სამუშაოთა სწორად და ეფექტურად განხორციელების პროცესს, რამაც ასევე შეიძლება ასახვას ჰქონდეს სამუშაოთა ჩატარების ხარისხზე, ასეთ შემთხვევაში შემსყიდველი იტოვებს უფლებას მოსთხოვოს პრეტენდენტს დამატებითი ტექნიკის შესახებ ინფორმაციის წარმოდგენა.

ასეთი მოთხოვნის არ დაკმაყოფილება შესაძლებელია გახდეს პრეტენდენტის დისკვალიფიკაციის საფუძველი.

პრეტენდენტის ტექნიკური შესაძლებლობის შესახებ ინფორმაციის სიზუსტეზე ერთპიროვნულად პასუხისმგებელია თავად პრეტენდენტი.

თ) იმ ფაქტორის გათვალისწინებით, რომ ელ. ტენდერებში ხდება ისეთი ორგანიზაციების გამარჯვება, რომელთა საქმიანობის ადგილი მნიშვნელოვნად დაცილებულია იმ ადგილებიდან სადაც უნდა განხორციელდეს სამუშაოების ჩატარება, სამუშაოთა სპეციფიკიდან გამომდინარე პრეტენდენტი ვალდებულია წარმოადგინოს ინფორმაცია იმის შესახებ საკუთრებაში ფლობს თუ არა ასფალტის ქარხანას, ან ინფორმაცია იმის შესახებ თუ რომელი ფირმიდან და რა მანძილიდან (ფირმის დასახელების, საიდენტიფიკაციო კოდის, მისამართის, ხელმძღვანელის და საკონტაქტო ტელეფონის მითითებით) უნდა განახორციელოს ძირითადი მასალის, ასფალტობეტონის ნარევის შემოტანა, ამავდროულად ტენდერში გამარჯვების შემთხვევაში მან უნდა წარმოადგინოს აღნიშნულ ფირმასთან გაფორმებული შესაბამისი ხელშეკრულება.

შემსყიდველი იტოვებს უფლებას, გონივრული ეჭვის გაჩენის შემთხვევაში, კერძოდ ასფალტის ქარხნის დაცილების მანძილიდან გამომდინარე მოსთხოვოს პრეტენდენტს დაასაბუთოს დასაგები ასფალტის ტემპერატურული მაჩვენებლის შენარჩუნების (50-100 გრადუსი) შესაძლებლობა.

აღნიშნული მოთხოვნის არ დასაბუთება შესაძლებელია გახდეს პრეტენდენტის დისკვალიფიკაციის მიზეზი.

ი) კონკრეტულად ქუჩების მიხედვით გაწერილი სამუშაოთა წარმოების გრაფიკი, დღეთა რაოდენობის მითითებით.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს აღნიშნული ტენდერის „წინადადების მიღება დაწყებულია“ სტატუსის გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში გაცემული უნდა იყოს აღნიშნული ტენდერის „წინადადების მიღება დაწყებულია“ სტატუსის გათვალისწინებული ეტაპის დაწყებამდე არა უგვიანეს 30 დღისა;

2.3. ამ პუნქტის 2.2. ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, სისტემაში განთავსებული უნდა იქნეს „შემსყიდველის“ მოთხოვნიდან 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების

დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში უნდა განხორციელდეს სისტემის გამოყენების მეშვეობით.

პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2.5 სატენდერო წინადადებაში შესასრულებელ სამუშაოთა საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის (მ/შ დღგ-ს) გათვალისწინებით. ხარჯები რომელიც სატენდერო წინადადების ფასში არ იქნება გათვალისწინებული ან/და გაფასებული არ ანაზღაურდება.

პრეტენდენტს უფლება აქვს წარმოადგინოს მხოლოდ ერთი სატენდერო წინადადება

2.6. ანგარიშსწორების პირობები:

2.6.1. ანგარიშსწორება მოხდება უნაღდო ანგარიშსწორებით, ლარში;

2.6.2. ნებისმიერ ეტაპზე ანგარიშსწორება მოხდება საგადასახადო დოკუმენტაციის (ანგარიშ-ფაქტურის) დამოწმებიდან 10 დღის ვადაში, აღნიშნული დოკუმენტაციის (ანგარიშ-ფაქტურის) დამოწმების საფუძველია შესაბამისი კომისიის მიერ შედგენილი მიღება-ჩაბარების აქტი და შესაბამისი ლაბორატორიული დასკვნა, რომელშიც დაფიქსირებული ასფალტის სისქისა და მარკიანობის შესახებ ინფორმაცია შესაბამისობაში უნდა იყოს სატენდერო დოკუმენტაციის მოთხოვნებთან.

2.6.3 „მომწოდებელს“ ეტაპობრივი დაფინანსების მოთხოვნაზე განაცხადის გაკეთების უფლება აქვს ხარჯთაღრიცხვით გათვალისწინებული კონკრეტული ქუჩის სრულად დამთავრების შემდეგ.

2.6.4. წინასწარი ანგარიშსწორების მექანიზმის გამოყენება შესაძლებელია, სახელშეკრულებო თანხის 20%-ის ფარგლებში, შესაბამისი საბანკო გარანტიის წარმოდგენის საფუძველზე, რომლის მოქმედების ვადა 60 დღით უნდა აღემატებოდეს ხელშეკრულების მოქმედების ვადას.

2.6.5 „შემსყიდველის“ გადაწყვეტილებით შესაძლებელია გამოყენებული იქნას ალტერნატიული წინასწარი ანგარიშსწორების მექანიზმი, რომელიც განხორციელდება სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების 26³ მუხლის მიხედვით, რომლის დროსაც მომწოდებელი ვალდებულია გახსნას საამისოდ განკუთვნილი ცალკე საბანკო ანგარიში.

წინასწარი ანგარიშსწორების მოთხოვნა შესაძლებელია მხოლოდ სამუშაოს შესრულებასთან დაკავშირებული მასალების შესყიდვის მიზნით, რომელიც განხორციელდება III ეტაპად, თითოეულ ეტაპზე მომწოდებელს უფლება აქვს მოითხოვოს სახელშეკრულებო თანხის მაქსიმუმ 20% და ყოველი მომდევნო ეტაპის თანხის მოთხოვნისას ათვისებული და შესაბამისი დოკუმენტაციით უზრუნველყოფილი უნდა იყოს წინა ეტაპზე გამოყოფილი თანხა.

წინასწარი ანგარიშსწორების მოთხოვნისას „მომწოდებელი“ ვალდებულია წარმოადგინოს ხელშეკრულება და ინვოისი იმ ფიზიკური ან იურიდიული პირისაგან, რომლისგანაც აპირებს რაიმე კონკრეტული მასალის შეძენას, ხოლო შეძენის შემდეგ წარმოადგინოს საგადასახადო ანგ. ფაქტურის ან/და სასაქონლო ზედდებულის ასლები.

თითოეული ეტაპის წინასწარი ანგარიშწორების განხორციელების საკითხს წყვეტს „შემსყიდველი“ და რაიმე სახის დამატებული გარემოების შემთხვევაში „შემსყიდველი იტოვებს უფლებას უარი განაცხადოს წინასწარი ანგარიშწორების განხორციელებაზე.

2.6.6 შემსყიდველის მხრიდან ანაზღაურდება ფაქტიურად შესრულებულ სამუშაოთა 95%,

სამუშაოთა სრულად დამთავრების შემდეგ „მომწოდებელს“ დაუბრუნდება დაკავებული 5%-დან 2,5%, ხოლო დარჩენილი 2,5% დაუბრუნდება სამუშაოთა სრულად დამთავრებიდან 2 წლის შემდეგ (შესრულებულ სამუშაოთა საგარანტიო ვადის გასვლის შემდეგ).

დაკავებული 2,5%-ის დაბრუნების საფუძველს წარმოადგენს შესაბამისი კომისიის აქტი, რომელშიც მითითებული უნდა იყოს, რომ საგარანტიო ვადის პერიოდში შესრულებული სამუშაოებზე რაიმე სახის ხარვეზი და დეფექტი არ შეინიშნება, ან აღმოჩენილი ყველა დეფექტი მომწოდებლის მიერ აღმოფხვრილია და აქტის შედგენის დროს რაიმე სახის ხარვეზი, რომელიც დაკავშირებულია „მომწოდებლის“ მხრიდან შესრულებული სამუშაოების ხარისხთან არ არსებობს.

2.7. ხელშეკრულების უზრუნველყოფის საბანკო გარანტია:

2.7.1. ტენდერში გამოყენებულ იქნება ხელშეკრულების უზრუნველყოფის უპირობო საბანკო გარანტია, ხელშეკრულების საერთო ღირებულების 4%-ის ოდენობით.

თეთრ სიაში დარეგისტრირებული მომწოდებლის შემთხვევაში აღნიშნული ოდენობა ნახევრდება.

2.7.2. ხელშეკრულების უზრუნველყოფის საბანკო გარანტიის მოქმედების ვადა 60 კალენდარული დღით უნდა აღემატებოდეს ხელშეკრულებით გათვალისწინებული სამუშაოების დასრულების ვადას, ხოლო მისი გამოყენება შემსყიდველს შეუძლია ნებისმიერი ზიანის ანაზღაურების მიზნით, რომელიც მიადგა შემსყიდველს მიმწოდებლის მიერ სახელშეკრულებო პირობების შეუსრულებლობის ან არა ჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენების შემთხვევაში.

2.7.3 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

2.7.4 ფასწარმოქმნის ადეკვატურობის შესწავლისას „შემსყიდველი“-ს დასაბუთებული ეჭვის არსებობის შემთხვევაში, შესაძლებელია განხილული იქნას საკითხი გამარჯვებული პრეტენდენტის დისკვალიფიკაციის შესახებ.

2.7.5 „2.7.3“ და „2.7.4“ პუნქტებით გათვალისწინებული პროცედურების წარმატებით გავლის შემთხვევაში (იმ შემთხვევაში თუ კი ტენდერში მონაწილე პრეტენდენტი საბოლოო ფასად დააფიქსირებს შესყიდვის სავარაუდო ღირებულებაზე 20%-ით ნაკლებ ფასს), ხელშეკრულების უზრუნველყოფის საბანკო გარანტია განისაზღვრება, ხელშეკრულების საერთო ღირებულების 7%-ის ოდენობით. თეთრ სიაში დარეგისტრირებული მომწოდებლის შემთხვევაში აღნიშნული ოდენობა ნახევრდება.

2.8 ტექნიკური დავალება

2.8.1 „ფასების ცხრილი“-თა შესაბამისი ნახაზებით გათვალისწინებული სამუშაოების დაწყება უნდა განხორციელდეს ხელშეკრულების ძალაში შესვლიდან არაუგვიანეს 3 დღეში და დასრულდეს 20 დღეში, ამინდების გათვალისწინებით.

2.8.2 სამუშაოები უნდა ჩატარდეს ხარისხიანად, იმ დასახელებების მოცულობების გათვალისწინებით, რაც ასახულია კონკრეტული სამუშაოს ფასების ცხრილში, გარდა აღნიშნულისა გათვალისწინებული უნდა იქნას:

ა) ხარჯთაღრიცხვაში გათვალისწინებულ შემასწორებელ ფენად გამოსაყენებელი წვრილმარცვლოვანი ღორღის (შებენის) ზომა უნდა იყოს 0-40მმ, მარკით 400, ამავდროულად ფრაქციის ღორღის გაშლა უნდა მოხდეს ალაგ-ალაგ, სისქით 5-15 სმ-მდე, დატკეპნის კოეფიციენტი $k=1,26$, ხოლო გაშლილი ღორღის დასატკეპნად გამოყენებული უნდა იქნას გლუვი სატკეპნი 10 ტონიანი, საფუძვლის დატკეპნისას საჭიროა მოირწყას ზედაპირი 15-25 ლ/მ².

ბ) ხარჯთაღრიცხვაში გათვალისწინებული წვრილმარცვლოვანი მკვრივი ა/ ბეტონის ცხელი ნარევი უნდა იყოს მარკა II, ტიპი „ბ“, და გოსტ 12801-98-ის შესაბამისი.

გ) ზოლების განივი შეუღლება, რომელიც ეწყობა ასფალტბეტონის ნარევით, უნდა იყოს გზის ღერძის პერპენდიკულარული, სამუშაოს ცვლის დამთავრებისას დატკეპნილი ზოლის ბოლო უნდა ჩაიჭრას ვერტიკალურად ზონარის გამოყენებით, ხოლო სამუშაოს განახლების შემთხვევაში უნდა გაცხელდეს და წაეცხოს ბიტუმი ან ბიტუმის ემულსია.

საავტომობილო გზის სავალი ნაწილის გაფართოებისას უზრუნველყოფილი უნდა იყოს მკვრივი და სწორი შეუღლება დაგებულ ასფალტსა და არსებულ საგზაო სამოსთან.

სამუშაოების წარმოებისას გამოყენებული ასფალტ-ბეტონის ნარევი უნდა დაიგოს 50-100 გრადუს ტემპერატურაზე.

2.8.3 სამუშაოთა წარმოების ყველა ის ეტაპი, რომელიც ითვლება დაფარულ სამუშაოს „მომწოდებელი“ ვალდებულია დაისწროს შემსყიდველის შესაბამისი კომისიის წარმომადგენლები, რომელთა ინფორმირება უნდა უზრუნველყოს თავად „მომწოდებელმა“ წინააღმდეგ შემთხვევაში „შემსყიდველი“-ს მხრიდან შესრულებული სამუშაოები არ ანაზღაურდება, თავის მხრივ კომისიის წევრები ვალდებულნი არიან დროულად უზრუნველყონ დაფარული სამუშაოების მიმდინარეობაზე დასწრება და აღრიცხვა, რათა ხელი არ შეეშალოს „მომწოდებელს“ სამუშაოთა დროულად და ეფექტურად განხორციელებაში.

2.8.4 „მომწოდებელი“ ვალდებულია სამუშაოები ჩაატაროს სატენდერო დოკუმენტაციით გათვალისწინებული მოცულობების, ნახაზებისა და პირობების შესაბამისად.

2.8.5 „მომწოდებელი“ ვალდებულია სამუშაოები შეასრულოს ჯეროვნად საპროექტო დოკუმენტაციის, მოქმედი ნორმებისა და წესების, მსაგავსი სამუშაოებისთვის უკვე არსებული სტანდარტებისა და შემსყიდველის მოთხოვნის შესაბამისად, წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მომწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

2.9 აუცილებელი პირობები:

2.9.1 შესრულებულ სამუშაოებზე უნდა ვრცელდებოდეს მინიმუმ 2 (ორი) წლიანი გარანტია, გარდა ფორს მაჟორული სიტუაციებიდან და მექანიკურად მიღებული დაზიანებებისა;

2.9.2 მომწოდებელი ვალდებულია ყოველი კონკრეტული სამუშაოს დასრულების შესახებ წერილობით აცნობოს შემსყიდველს და წარუდგინოს შესრულებული სამუშაოების აქტი (ფორმა #2), რომლის შემდეგაც სამუშაოთა დასრულებიდან 3 დღის შემდეგ შემსყიდველის მითითებით, არსებული ნორმების გათვალისწინებით მომწოდებელი ვალდებულია განახორციელოს ე.წ ასფალტის ამოჭრები, რომელიც გადაეცემა შემსყიდველის მიერ შექმნილ შესაბამის კომისიას და შემსყიდველის ინიციატივითვე იგზავნება შესაბამის ლაბორატორიაში, რათა დადგინდეს ის შეესაბამება თუ არა ტექნიკური დავალებით გათვალისწინებული ასფალტის მარკასა, ტიპს, გოსტს და სისქეს.

(ლაბორატორიული დასკვნების საფასურის გადახდის ვალდებულება ეკისრება მომწოდებელს)

- იმ შემთხვევაში თუ კი ლაბორატორიული დასკვნა არ იქნება ტექნიკური დავალებისა და ფასების ცხრილით გათვალისწინებულ მოთხოვნებთან შესაბამისობაში, მომწოდებლის მიერ შესრულებული სამუშაოები არ ანაზრაურდება.
- მომწოდებელი ვალდებულია ასფალტის დამზადებისას გამოიყენოს სერთიფიცირებული ბიტუმი, ფრაქციული ღორღი და ქვიშა, რომელის დამადასტურებელი დოკუმენტაციის ასლი შემსყიდველს უნდა წარედგინოს მოთხოვნისთანავე.
- ელექტრონულ ვაჭრობაში მონაწილეობისას ფასის კლება არ განახორციელოს დასაგები ასფალტის ხარისხის გაუარესების ხარჯზე.

2.9. ფასების ცხრილი

2.9.1. პრეტენდენტმა უნდა წარმოადგინოს ფასების ცხრილი დანართი #3-ის მიხედვით

2.10 შესყიდვის ობიექტის მიწოდების ადგილი: სამტრედიის მუნიციპალიტეტი

2.11 . შესყიდვის ობიექტის სავალდებულო საგარანტიო ვადები და პირობები

- შესყიდვის ობიექტის საგარანტიო ვადა უნდა შეადგენს მინიმუმ 2 (ორი) წელს,
- საგარანტიო ვადის განმავლობაში მიმწოდებელი ვალდებულია შეტყობინების მიღებისთანავე დაიწყოს შესყიდვის ობიექტის ან მისი ნაწილის შეკეთება შემსყიდველის მხრიდან რაიმე დამატებითი დანახარჯის გაწევის გარეშე.
- საგარანტიო ვადის განმავლობაში მიმწოდებლის მიზეზით გამოვლენილი დეფექტების შემთხვევაში ის ვალდებულია თავისი ხარჯებით უზრუნველყოს დეფექტების აღმოფხვრა შეტყობინების მიღებიდან არაუმეტეს 10 დღის ვადაში

2.12 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) პრეტენდენტმა პირველ ეტაპზე სისტემაში უნდა ატვირთოს ტექნიკური დოკუმენტაციის „2,1“ პუნქტით გათვალისწინებული ყველა დოკუმენტი, ხოლო შემდგომ „შემსყიდველის“ მოთხოვნის შესაბამისად **ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები.**

სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 201 წ.

ერთის მხრივ

სამტრედიის მუნიციპალიტეტი (შემდგომში „შემსყიდველი“)

და მეორეს მხრივ

_____ (შემდგომში „მიმწოდებელი“)

(მიმწოდებლის დასახელება და რეკვიზიტები)

შორის.

იმის გათვალისწინებით, რომ შემსყიდველმა ჩაატარა ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს შემოადნობიერი საქონელი შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

CPV კოდი - 45233000 - გზატკეცილების, გზების მშენებლობა, საძირკვლის მომზადებისა და ზედა ფენის გადაგების სამუშაოები

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ხედმიწევნით შესრულებისათვის;

1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში შესრულებული სამუშაოს ხარისხი უნდა შეესაბამებოდეს სამშენებლო წესებითა და ნორმებით გათვალისწინებულ მოთხოვნებს და შესაბამისობაში უნდა იყოს სატენდერო დოკუმენტაციის „ტექნიკურ დავალებასთან” და

„აუცილებელ პირობებთან”.

3. საპატენტო უფლებები.

3.1. საქონლის ან მისი ნებისმიერი ნაწილის გამოყენების საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი.

4.1. შემსყიდველს ან მის წარმომადგენლებს უფლება აქვთ სამუშაოების შესრულების პარალელურად განახორციელონ კონტროლი შესრულებულ სამუშაოებზე, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს და მიღება-ჩაბარებას შემსყიდველის მხრიდან განახორციელებენ სამტრედიის მუნიციპალიტეტის შესაბამისი კომისია.

5. სამუშაოს შესრულების პირობები

5.1. სამუშაოს დაწყება უნდა განხორციელდეს ხელშეკრულების ძალაში შესვლიდან 3 დღეში და დასრულდეს 2015 წლის -----

--

5.2. სამუშაოების ჩატარების ადგილია, ქ. სამტრედია:

5.3. მიმწოდებელი ვალდებულია სამუშაოები ჩაატაროს ხარისხიანად.

5.4 შესრულებულ სამუშაოთა ხარისხზე „მომწოდებელი” იღებს 2 (ორი) წლიანი გარანტიას, გარდა ფორს მაჟორული სიტუაციებიდან მიღებული დაზიანებებისა;

საგარანტიო ვადის პერიოდში „მომწოდებელი” შეტყობინების მიღებისთანავე ვალდებულია დაიწყოს შესყიდვის ობიექტის ან მისი ნაწილის შეკეთება, შემსყიდველის მხრიდან რაიმე დამატებითი დანახარჯების გარეშე.

საგარანტიო ვადის განმავლობაში „მომწოდებელი“-ს მიზეზით გამოვლენილი დეფექტების

შემთხვევაში „მომწოდებელი“ საკუთარი ხარჯებით უზრუნველყოფს დეფექტების აღმოფხვრას შეტყობინების მიღებიდან 10 დღის ვადაში, სამუშაოთა მოცულობების გათვალისწინებით

6. შესყიდვის ობიექტის მიღება-ჩაბარების წესი და ანგარიშწორება

6.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მხარეთა შორის შედგენილი და ხელმოწერილი მიღება-ჩაბარების აქტის გაფორმების შემდეგ;

6.2 სამუშაოები შესაძლებელია დაიყოს ეტაპად;

თითოეული ეტაპი გულისხმობს მინიმუმ თითოეული ქუჩის დასრულებას. სამუშაოთა დასრულებაზე და შესრულებულ სამუშაოებზე კონტროლს ახორციელებს შემსყიდველის შესაბამისი კომისია.

6.3 ანგარიშწორება მოხდება უნაღდო ანგარიშწორებით, ლარში;

6.4. ნებისმიერ ეტაპზე ანგარიშწორება მოხდება მიღება-ჩაბარების აქტის გაფორმებიდან 10 დღის ვადაში, რომლის საფუძველსაც წარმოადგენს მხარეთა შორის გაფორმებული მიღება-ჩაბარების აქტი და ლაბორატორიული დასკვნა.

6.5 მომწოდებელი ვალდებულია ყოველი კონკრეტული სამუშაოს დასრულების შესახებ წერილობით აცნობოს შემსყიდველს და წარუდგინოს შესრულებული სამუშაოების აქტი (ფორმა #2), რომლის შემდეგაც სამუშაოთა დასრულებიდან 3 დღის შემდეგ შემსყიდველის

მითითებით, არსებული ნორმების გათვალისწინებით მომწოდებელი ვალდებულია განახორციელოს ე.წ ასფალტის ამოჭრები, რომელიც გადაეცემა შემსყიდველის მიერ შექმნილ შესაბამის კომისიას და შემსყიდველის ინიციატივითვე იგზავნება შესაბამის ლაბორატორიაში, რათა დადგინდეს ის შეესაბამება თუ არა ტექნიკური დავალებით გათვალისწინებული ასფალტის მარკასა, ტიპს, გოსტს და სისქეს.

– იმ შემთხვევაში თუ კი ლაბორატორიული დასკვნა არ იქნება ტექნიკური დავალებისა და ფასების ცხრილით გათვალისწინებულ მოთხოვნებთან შესაბამისობაში, მომწოდებლის მიერ შესრულებული სამუშაოები არ ანაზრაურდება.

6.6 „მომწოდებელს“ ეტაპობრივი დაფინანსების მოთხოვნაზე განაცხადის გაკეთების უფლება აქვს ხარჯთაღრიცხვით გათვალისწინებული კონკრეტული ქუჩის სრულად დამთავრების შემდეგ.

6.7. წინასწარი ანგარიშწორების მექანიზმის გამოყენება შესაძლებელია, სახელშეკრულებო თანხის 20%-ის ფარგლებში, შესაბამისი საბანკო გარანტიის წარმოდგენის საფუძველზე, რომლის მოქმედების ვადა 60 დღით უნდა აღემატებოდეს ხელშეკრულების მოქმედების ვადას.

6.8 „შემსყიდველის“ გადაწყვეტილებით შესაძლებელია გამოყენებული იქნას ალტერნატიული წინასწარი ანგარიშწორების მექანიზმი, რომელიც განხორციელდება სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების 26³ მუხლის მიხედვით, რომლის დროსაც მომწოდებელი ვალდებულია გახსნას საამისოდ განკუთვნილი ცალკე საბანკო ანგარიში.

წინასწარი ანგარიშწორების მოთხოვნა შესაძლებელია მხოლოდ სამუშაოს შესრულებასთან დაკავშირებული მასალების შესყიდვის მიზნით, რომელიც განხორციელდება III ეტაპად, თითოეულ ეტაპზე მომწოდებელს უფლება აქვს მოითხოვოს სახელშეკრულებო თანხის მაქსიმუმ 20% და ყოველი მომდევნო ეტაპის თანხის მოთხოვნისას ათვისებული და შესაბამისი დოკუმენტაციით უზრუნველყოფილი უნდა იყოს წინა ეტაპზე გამოყოფილი

თანხა.

წინასწარი ანგარიშწორების მოთხოვნისას „მომწოდებელი“ ვალდებულია წარმოადგინოს ხელშეკრულება და ინვოისი იმ ფიზიკური ან იურიდიული პირისაგან, რომლისგანაც აპირებს რაიმე კონკრეტული მასალის შეძენას, ხოლო შეძენის შემდეგ წარმოადგინოს საგადასახადო ანგ. ფაქტურის ან/და სასაქონლო ზედდებულის ასლები.

თითოეული ეტაპის წინასწარი ანგარიშწორების განხორციელების საკითხს წყვეტს „შემსყიდველი“ და რაიმე სახის დამატებითი გარემოების შემთხვევაში „შემსყიდველი იტოვებს უფლებას უარი განაცხადოს წინასწარი ანგარიშწორების განხორციელებაზე“.

6.9 შემსყიდველის მხრიდან ანაზღაურდება ფაქტიურად შესრულებულ სამუშაოთა 95%, სამუშაოთა სრულად დამთავრების შემდეგ „მომწოდებელს“ დაუბრუნდება დაკავებული 5%-დან 2,5%, ხოლო დარჩენილი 2,5% დაუბრუნდება სამუშაოთა სრულად დამთავრებიდან 2 წლის შემდეგ (შესრულებულ სამუშაოთა საგარანტიო ვადის გასვლის შემდეგ).

დაკავებული 2,5%-ის დაბრუნების საფუძველს წარმოადგენს შესაბამისი კომისიის აქტი, რომელშიც მითითებული უნდა იყოს, რომ საგარანტიო ვადის პერიოდში შესრულებული სამუშაოებზე რაიმე სახის ხარვეზი და დეფექტი არ შეინიშნება, ან აღმოჩენილი ყველა დეფექტი მომწოდებლის მიერ აღმოფხვრილია და აქტის შედგენის დროს რაიმე სახის ხარვეზი, რომელიც დაკავშირებულია „მომწოდებლის“ მხრიდან შესრულებული სამუშაოების ხარისხთან არ არსებობს.

6.10 „შესრულებული სამუშაოების აქტზე“ (ფორმა #2-ზე) უფლებამოსილ პირს წარმოადგენს სამტრედიის მუნიციპალიტეტის გამგებელი.

8. ფასები

8.1. შესყიდვის ობიექტის ფასი განისაზღვრება ლარებში

8.2. შესყიდვის ობიექტის საერთო ღირებულება შეადგენს _____ (_____) ლარს,

8.3. ფასების ცვლილება შესაძლებელია განხორციელდეს მოქმედი კანონმდებლობით გათვალისწინებული ფაქტების დადგომისას.

8.4. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

9. ხელშეკრულებაში ცვლილებების შეტანა.

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1. მიმწოდებელმა შემსყიდველის წინასწარი წერილობითი თანხმობის გარეშე, არც

მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. სუბკონტრაქტორები

11.1. „მომწოდებელს“ უფლება „შემსყიდველთან“ შეთანხმებით უფლება აქვს აიყვანოს სუბკონტრაქტორი.

11.2. „შემსყიდველი“-ს მხრიდან სუბკონტრაქტორად იურიდიული ან ფიზიკური პირის აყვანის შესახებ გადაწყვეტილების მიღებამდე „მომწოდებელი“ ვალდებულია შესაბამისი წერილით მიმართოს სამტრედიის მუნიციპალიტეტის გამგეობას და თან წარადგინოს სუბკონტრაქტორის რეკვიზიტებისა და გამოცდილების შესახებ ინფორმაცია, რომელიც შესაბამისი უნდა იყოს იმ მოთხოვნების რომელიც სატენდერო დოკუმენტაციითა გათვალისწინებული, ასევე წარმოდგენილი უნდა იყოს ყველა ის საკვალიფიკაციო მონაცემი, რომელიც სატენდერო დოკუმენტაციითა გათვალისწინებული, ხოლო საკვალიფიკაციო მონაცემების დამადასტურებელი დოკუმენტაცია გაცემული უნდა იყოს წერილის წარმოდგენამდე არა უმეტეს 5 დღით ადრე.

11.3. „მომწოდებელი“ პასუხს აგებს არა მარტო მის მიერ, არამედ სუბკონტრაქტორის მიერ შესრულებულ ნებისმიერი სამუშაოს ხარისხზე.

12. ხელშეკრულების შესრულების გარანტია

12.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოყენება გარანტირების მექანიზმის შემდეგი სახე – საბანკოგარანტია, ხელშეკრულების საერთოღირებულების xxxx % ოდენობით.

12.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება.

12.3. საბანკო გარანტიის მოქმედების ვადა მინიმუმ 60 დღით უნდა აღემატებოდეს შესყიდვის ობიექტის მიწოდების საბოლოო ვადას, ხოლო მისი გამოყენება შემსყიდველს შეუძლია ნებისმიერი ზიანის ანაზრაურების მიზნით, რომელიც მიაღწა შემსყიდველს მიმწოდებლის მიერ სახელმწიფო პირობების შეუსრულებლობის ან არა ჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენების შემთხვევაში.

12.4. მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 სამუშაო დღის ვადაში.

12.5. მიმწოდებლისგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შემსრულების უზრუნველყოფის გარანტია.

13. ხელშეკრულების პირობების შეუსრულებლობა

13.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით, ხოლო, თუ კი ადგილი აქვს ვალდებულების ნაწილის შეუსრულებლობას, მათ შორის სამუსაოთა გრაფიკის დარღვევისათვის, პირგასამტეხლო შეადგენს ვალდებულების შეუსრულებელი ნაწილის 0.5

%-ს.

13.2.იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13.3. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

13.4 „მომწოდებლის“ მხრიდან ხელშეკრულებით გათვალისწინებული ვალდებულების შესრულებაზე უარის თქმის შემთხვევაში „შემსყიდველს“ უფლება აქვს მოახდინოს „მომწოდებლი“-ს დაჯარიმება 50 000 (ორმოცდაათი ათასი) ლარის ოდენობით.

13.5 საგარანტიო პერიოდში აღმოჩენილი ხარვეზების დროულად და დადგენილ ვადაში (10 დღე) არ აღმოფხვრის შემხვევაში „მომწოდებელს“ დაეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,05%-ის ოდენობით.

14. ხელშეკრულების შეწყვეტა მისი პირობების შეუსრულებლობის გამო

14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი სამუშაო ან მისი ნაწილი;

ბ) თუ მიმწოდებელს არ შეუძლია შასრულოს ხელშეკრულებით გათვალისწინებული, რომელიმე ვალდებულება.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

14.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

14.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

15. ფორს-მაჟორი

15.1. ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გათვალისწინებული ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. ფორს-მაჟორული გარემოებების დადგომის შემთხვევაში ხელშეკრულების დამდეგმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება

ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2. თუ ასეთი მოლაპარაკების დაწყებიდან 30(ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

17. გამოყენებული სამართალი

17.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

18.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც

გაიცვლება მხარეთა შორის, უნდა შეესაბამებოდეს აღნიშნულ პირობებს.

19. შეტყობინება

19.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

19.2. შეტყობინება შედის ძალაში ადრესატის მიერ მისი მირების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

20.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელები გადახდაზე, რომლებიც გადასახდელია საქართველოს ფარგლებში და მის გარეთ.

20.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

21. ხელშეკრულების მოქმედების ვადა.

21.1. წინამდებარე ხელშეკრულება ძალაშია ხელშეკრულებზე ხელმოწერის დღიდან და მოქმედებს 201--- წლის -----

22. სხვა პირობები

22.1. არც ერთი მხარე არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

22.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

22.3. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

22.4. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

22.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

4. დამატებითი ინფორმაცია:

4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. სამტრედია, რესპუბლიკის ქუჩა #6, მე-3 სართული. საკონტაქტო პირი ია ხოშტარია ტელ: 595 33 22 25, ტექნიკურ საკითხებში ზურაბ გოგია 595 90 44 18

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებთ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულ კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისაგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცეანი ამ აფიდავიტის შენაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვის მიზნებისათვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტსი მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკი:

ბანკის კოდი:

ანგარიშსწორების ანგარიში:

ხელმოწერა და ბეჭედი

ფასების ცხრილი

იხილეთ დამატებითი ფაილების (Excel) სახით.

სამუშაოს დაწყება-დასრულების ვადა

ტენდერში გამარჯვების შემთხვევაში ვიღებ ვალდებულებას სამუშაოები ხელშეკრულების გაფორმებიდან არაუგვიანეს 3 დღეში და დავასრულო -----დღეში.

----- (თანამდებობა, სახელი, გვარი) -----

ხელმოწერა და ბეჭედი

საგარანტიო პირობები და ვადები

- ა) შესყიდვის ობიექტის საგარანტიო ვადა შეადგენს სამუშაოთა საბოლოო მიღება-ჩაბარების აქტის შედგენიდან 2 (ორი) წელს.
- ბ) საგარანტიო ვადის პერიოდში ვიღებ ვალდებულებას შეტყობინების მიღებისთანავე დავიწყო შესყიდვის ობიექტის ან მისი ნაწილის შეკეთება, შემსყიდველის მხრიდან რაიმე დამატებითი დანახარჯების გარეშე.
- გ) საგარანტიო ვადის განმავლობაში ჩემი მიზებით გამოვლენილი დეფექტების შემთხვევაში ჩემი ხარჯებით ვუზრუნველყო დეფექტების აღმოფხვრა შეტყობინების მიღებიდან 10 დღის ვადაში, სამუშაოთა მოცულობების გათვალისწინებით

პრეტენდენტის დასახელება

ხელმოწერა და ბეჭედი

ინფორმაცია ანალოგიურ სამუშაოთა ჩატარების გამოცდილების შესახებ

დამკვეთი	სამუშაოს დასახელება	შესრულებულ სამუშაოთა ღირებულება	სახელეკრულებო პერიოდი	შენიშვნა
			2013 წელი	
			2014 წელი	
			2015 წელი	

პრეტენდენტის დასახელება
ხელმოწერა და ბეჭედი

მონაცემები პრეტენდენტის საკუთრებაში ან სარგებლობაში არსებული ტექნიკის შესახებ
(რომელიც გამოიყენება კონკრეტული სამუშაოს შესასრულებლად)

#	დასახელება	აღწერილობა, მოდელი, ტიპი, მარკა	საკუთრების ფორმა	საკუთრების ფორმა	შენიშვნა
1					
2					
3					
4					
5					
6					
...					

პრეტენდენტის დასახელება

ხელმოწერა და ბეჭედი